

Na osnovu člana 16. stav (1) i člana 17. stav (2) Zakona o Vladi Hercegovačko - neretvanskog kantona („Službene novine HNK“, broj: 3/07, 5/09) i na osnovu člana 28. stav (6) Zakona o koncesijama Hercegovačko - neretvanskog kantona („Službene novine HNK“, broj: 1/13, 7/16, 6/18, 9/19 i 1/21), Vlada Hercegovačko - neretvanskog kantona je na 149. sjednici, održanoj dana 14.9.2022.godine, donijela

**ODLUKU O DODJELI KONCESIJE
ZA OBAVLJANJE ELEKTROPRIVREDNE DJELATNOSTI PROIZVODNJE,
PRIJENOSA I DISTRIBUCIJE ELEKTRIČNE ENERGIJE ZA TRI
ELEKTROENERGETSKA OBJEKATA FNE "PLAVO SUNCE 4", FNE "PLAVO
SUNCE 5" i FNE PLAVO SUNCE 6"**

I

Vlada Hercegovačko – neretvanskog kantona kao Koncesor, dodjeljuje Koncesionaru privrednom društvu PLAVO SUNCE d.o.o. ČITLUK, Gospodarska zona Tromeda II broj 3, Međugorje, Čitluk, koncesiju za obavljanje elektroprivredne djelatnosti za tri elektroenergetska objekta i to:

- fotonaponska elektrana "PLAVO SUNCE 4" instalisane snage 999 kW, na zemljištu označenom k.č. broj broj 580/46 K.O. Zvirovići,
- fotonaponska elektrana "PLAVO SUNCE 5" instalisane snage 999 kW, na zemljištu označenom k.č. broj 580/41 K.O. Zvirovići,
- fotonaponska elektrana "PLAVO SUNCE 6" instalisane snage 999 kW, na zemljištu označenom k.č. broj 580/48 K.O. Zvirovići .

- (1) Koncesija se dodjeljuje na period od 30 godina od dana početka korištenja koncesije.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom tridesete godine od dana početka korištenja koncesije.

III

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

Jednokratna koncesiona naknada za naknada za svaku pojedinačnu fotonaponsku elektranu iznosi:

4,442,71 KM (slovima: četiri hiljade četrstotine četrdeset i 71/100).

(2) Tekuća (godišnja) koncesiona naknada je koncesiona naknada za korištenje obnovljivih izvora i obavljanje djelatnosti (TKN) koja se obračunava prema formuli:

TKN= 0,03 x GBP x 0,05 x 11,25

(3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade, je безусловna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji pobliže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, vodoprivrede, zaštite na radu, su također obavezujući za Koncesionara.

VI

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke V ove Odluke, ukoliko postoje zakonske obaveze i uslovi za to ishodovanje i fotokopije istih dostaviti Koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Koncesionar može, u roku od 15 dana od dana prijema ove Odluke, Vladi Hercegovačko - neretvanskog kantona, putem Ministarstva privrede HNK, podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

VIII

Ova Odluka stupa na snagu danom njene konačnosti, a objavit će se u „Službenim novinama Hercegovačko - neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-01-02-2345/22
Mostar, 14.9.2022.godine

P R E D S J E D N I K

Nevenko Herceg